

P368/1
DHOPADHOLA
Paper 1
2026
3 hours



UGANDA NATIONAL EXAMINATIONS BOARD
Uganda Advanced Certificate of Education

DHOPADHOLA

Papula marapena
(Loko, Niaŋ Kodi Komposichon)

Sawa adek

CHIK:

*Papula ma penjirok me nitye gi thenge **aryo**; Thenge **A** kodi **B**.*

Penj jye manitye ka obedo angwen.

*Timi penj ma thenge **A** jye.*

*I thenge **B** yeri penj **achiel kende**; namba 3 **kosa** 4.*

*Dwoki penj **adek kende** i papula me.*

*Radwok ma penj m'okalo adek **kokewira**.*

Ndiki radwok perin i papila m'ilamiyin.

THENGE A
(Loko kodi Nian)

Timi penj ma thenge me jye.

1. Obedo gimaber swa fonjirok dhodhok m'opokeropokere i piny mawan me. Tel pa Kwar Adhola nitte gi chan ma pyem aka i pyem no imiyo kis nyatoro mikwenda i dhodhok achiel to loko i dhodhok man. Gime ochani munyo otyeki nian ni wiy nyithindho kidho ka wil gi Dhopadhola. Gino omiyo kwar Adhola rembo ni yowane koro, Dhopadhola nyalo reyere woko. Silwany omakin bedo achiel kwoŋ jome.

Giratima:

Omiyin randiko me i pyem ma Kwar Adhola oyiko no. Miyi radwok perin.

Violence against women and girls can be disastrous because a particular gender is tortured to the point of losing life. There is no way our country can achieve sustainable development.

Uganda Bureau of Statistics data reflects that 51.9% of women aged 15-49 years experience spousal violence. As part of national responses to this development challenge, on March 8, 2020 President Yoweri Museveni launched a programme in Uganda during the commemoration of the International Women's Day celebrations in Mbale district.

The programme with funding of 500 million Euros globally from European Union represents the world effort to invest in gender equality and women's empowerment.

This vice has torn families apart, making children wander around from street to street. No direction at all.

Uganda is one of the eight countries in Africa and the only one in East Africa to benefit from this initiative. The purpose is to strengthen respect of each other in families and improve service delivery.

This programme is guided by the United Nation's vision of contributing to a transformed Ugandan society where people live in harmony without oppressing any gender. It aims at supporting the government to accelerate development and transformation across Uganda.

Over the last two years, the initiative has registered several achievements in this country one of them being increasing awareness on violence against women and its negative consequences. This is done by reaching out to over twenty million people with messages on gender equality and behaviour change using a wide range of communication channels.

Finally, in order to reduce or eliminate gender-based violence totally, there is need for a collective effort by every Ugandan.

Adapted from: *The New Vision Monday, November 2nd 2021.*

2. *Soma randiko me t'idwoko penj maluwo.*

Welo pa mon ma jo oyo remo tekin jochowo nywol oidho malo tektek i oro aryo yochien aka me a gima joma jonitye gi njeyo i kwo jowacho ni nyalo dwoko chien meni ma piny ketho ma gwoko mon majotho gi nywol. Jome jowacho ni chakere achaka gi mon majogamo iyjo aka kere jonok gi remo kwoŋ jo, kosa joma jonitye gi two ma madho remo i delkwonjo. Giman ma miyo remo oy ri dhako ma nyaka onywol obedo kwako gamo iygo kanyachiel gi piko nywol ma jwero jo. Maradieri won nger gino miyo nyasaye pa dhako lokere manyap.

Oyo remo tekin inywolo nyathi omaro timere i ndelo m'onywoli iye won meno to bende nyalo timere ka sabiti apar g'aryo okadho munyo otyeki nywolo nyathi.

Jamilerwa Robert Mugabi owacho ni welo pa mon majotho tekin jotyeko nywol k'ineni okanasa maber i oro aryo yochien, nyal'anyala tundo pyer'adek g'abunwen ma wiy miya achiel. Aka maluwo meno obedo mon majolimo achanda i nyasaye pajo i hola ma jonitye gi remo i iyjo. Mon apar g'adek mawiy miyachiel majoyach ama joluwo i teko no. Nyanjinya, two twilo, two ma makere gi korona jye k'oriw kanyachiel, nyalo bedo peko ri mon maromo aboro mawiy miya achiel i hola manywol.

Ka dhako otinere kosa yach, bedo gim'onjeyere anjeya ni remo manitye kwoŋe mojere aka amomiyo jadwoŋ no wacho ni ka dhako m'otinere chiegin nywol to remo kada nyaka mathin oy kwoŋe, gima latimere rumachien ka nyathi otyeko wok labedo oyo remo kweth swa ma lamiyo kiri meni pere mojirok.

Mugabi doko owacho ni lasitika ma nyasaye pa mon majonywol nywodo kweth lwogere to miyo nyasaye kwero jwik ka nyathi otyeko wok. Ka nyasaye otyeko wodho nyathi, ripo jwik, to k'ineni tinjo remo kosa nyathi kis oro, lanyapere. Meno amomiyo nywol mitere achana. Go okwayo mon kidho i odi yath ka joyach, jowonywoli ka oro aryo orumo kosa kada gi kalo. Jo ori nger meggi ma chano nywol to jo temo paka jonyalo nywol g'odiyath. Ka dhako mayach okidho i odi yath i hola ma jamilerwa ochiko go, inyalo niaŋ peko manyalo bedo chon t'itemo gwoko.

K'inen okethi chan me i tim to jotich ma odien joneno ni remo nitie m'oromo m'inyalo medo nyatoro ma remo orumo kwoŋe, teko ma mon limo ma oyo remo k'inen jotyeko nywol lagik chien kiri iyapar ma wiy miya achiel aka meno kilamiyo mon tho tektek i hola manywol.

Jamilerwa Joseph Ngozi, jatel pa nyithindho i yachurchur ma Mbarara owacho ni kada nende nyalo moro bedi madwoko chien welo pa mon ma jotho i hola manywol, mitere medo timo gikipiny kweth tektek mere i thenge ma chano nywol kodi nger ma dewo kwoŋ dhako mayach i odi yath.

Dwoko ye tho ma nger me chien mito ching m'oriwo, paka joradhum jokanasa maber gima timere i odi yen to joneno ni odewi kwoŋ kwo pa mon mayach m'odocho. Ber omiy nyalo ri joma jonitye i tich maneno ni gima ber otimi ri mon ma romachien kelo bero tektek mere kwo pa mon mayach.

Bende mitere medo miyo mon meni ma tiŋo dwondijo malo gi nyalo ma nwaŋo thwolo pa jo tektek mere kwo pa mon majonitye gi remo i iyjo.

Minisita ma kwo, Jamilerwa Jane Ruth Aceng owacho ni two korona owodho kamaler peko man: inwaŋo nyithindho manyir mafodi jokoromo oro apar g'aboro jogamo iy gin aka gime othango kamaler nyapo pa jonywol kodi jokur pa nyithindho i miyo nyithindho fonji mamako dongo pa jo.

“Jonywol jogonjere kwoŋ somerin majofonjo nyithindho mawan. Nyithindho manyir jye joyach. Onyo ka apenjere, wakidho syemere gi nyithindho m'ilanywolo no kosa be? Gima latimere romachien labedo oyo remo kosa kada tho rupiri nyir no nwaŋere ni fodi jokoyikere,” Minisita owacho.

Okwanyi i papula ma: *New Vision* November, 2021.

Giratima:

- (a) Oyido nyaka ichowo kisoma randiko ma malo no to jafonji donjo i kweth mewin. Ochimin ka wacho ni iwachi rigo wichwach ma gim'iwok kisoma. Anjo m'ilawacho rigo?
- (b) Idonjo i kweth mewin t'inwaŋo nyir moro jolyesa i kitipin mathindhothindho. Nyir ma kitipa achiel oyido jowacho ni ka jochowo penjirok, jolakuro radwok ma penjirok no to jomedere kiri iyachurchur nyaka neyi jonywomere. Ma kitipa mararyo oyido jowacho ni jokidho nywomirok ngeyi jonywoli nyithindho kweth. Wachi ri jokitipa mararyo me paro perin kinwaŋo thyel wok i randiko ma malo no.
- (c) Nyithindho manyir mathoth i chalo mewin jowacho ni “Jakwo pere ŋawo kada iwiyyath.” Ori randiko m'iwok kisoma malo kenyo imiy jo fonji manyalo gwoko jo i kwoŋ i peko m'oluwi kwoŋe no.
- (d) I hola ma ywomirok, i kidho pa wat perin achiel t'inwaŋo mon m'opokere jodhiko nywol aka odoko ka joyach jokikidhi i odi yath. Joparo ni kidho koro meno nyieko hongo. Nyami dinyo ma chwogi mon me jonwango.

THENGE B
(Komposichon)

Yeri penj achiel kende; namba 3 kosa 4.

3. Soma randiko me t'idwoko penj paka ripere i wach maromo 600.

Kis ka Kwar Adhola okidho i chokirok Padhola, fonjo nyikwaye nike obedo gimaber swa yumirok gi Dhopadhola. Nitye nyatoro achiel ma wok i chalo mewin matiyo i tindi madwoŋ ma Kampala. Jopadhola mabende jotiyo koro jomaro kigenisa ni go kimiti luwo Dhopadhola rupiri kimiti jii joniani ni go Japadhola. Ka go oromo kodi Japadhola nyawote go luwo aluwa Dhomagara ayin. K'ikidho romo gi go i royo aka oŋeyin, rwayo arwaya kaman. Jadwoŋ no kada dhano otho ichalo pere, kitundi. I mito ryemo go woko i nono. Ibedo achiel kwoŋ jomajokisiemere gi nger tim pa jadwoŋ me.

Giratima:

Wodhi randiko ma nyalo konyo jomodon.

Kosa

4. Soma randiko me t'idwoko penj paka ripere i wach maromo 600.

Kis nono manwanjere i Tienj Adhola jonitye gi tim kodi kula mamiyo jobedo nyakare i dier joman. Jo Morwa Guma joworo thwol aka Jokoch joworo oŋer. K'inen onywoli rut i ripo yawo aka ka dhano oywomere, imoko kasik i ndelo no won. To wor ma chowe nyaka oyikere, i gido fumbo to mon gi chwo jothiwere gi myel medo iwi thene thene man ma bedo.

Giramien, pama nitye joma joledhere ni tim ma nger no kiber ri jo odocho aka jomito ni oreyi woko. Paka nyathi m'oŋeyo chwe ma thene thene no, Ker ma Padhola okwayin imiy fonji manyakare poyi Jopadhola ma jonitye gi paro marach no jowire.

Giratima:

Ndiki fonji no.